



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

11 օգոստոսի 2022 թվականի N 1228 -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2013 ԹՎԱԿԱՆԻ
ՀՈԿՏԵՄԲԵՐԻ 10-Ի N 1110-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի 12-րդ հոդվածի 3-րդ մասը և «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածները՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2013 թվականի հոկտեմբերի 10-ի «Իրավաբանական անձանց պետական գրանցում, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառում իրականացնող մարմնի սպասարկման գրասենյակների գործառնությունները նոտարների, փաստաբանների, փաստաբանական գրասենյակների և այլ անձանց կողմից իրականացվելու կարգը սահմանելու մասին» N 1110-Ն որոշման մեջ կատարել հետևյալ փոփոխությունները և լրացումները.

1) որոշման 1-ին կետի 2-րդ ենթակետում «աշխատակազմի» բառը փոխարինել «իրավաբանական անձանց» բառերով.

2) որոշման N 1 հավելվածում՝

ա. 10-րդ կետի 1-ին նախադասությունը շարադրել «Սպասարկման գրասենյակների գործառնություններ իրականացնող անձին տեղեկատվական համակարգին միանալու համար բացվում է(են) տիրույթ(ներ), և ըստ անհրաժեշտության՝ անվճար տրամադրվում անվտանգության սարք(եր):» խմբագրությամբ.

3) որոշման N 2 հավելվածում՝

ա. վերնագրի «ԱՇԽԱՏԱԿԱԶՄԻ» բառը փոխարինել «ԻՐԱՎԱԲԱՆԱԿԱՆ ԱՆՁԱՆՑ» բառերով,

բ. 1-ին՝ «Պայմանագրի կողմերը» բաժնում «Հայաստանի Հանրապետության արդարադատության նախարարության աշխատակազմ» պետական կառավարչական հիմնարկը (այսուհետ՝ աշխատակազմ), որը գործում է Հայաստանի Հանրապետության արդարադատության նախարարության աշխատակազմի կանոնադրության հիման վրա» բառերը փոխարինել «Հայաստանի Հանրապետության արդարադատության նախարարությունը» բառերով,

գ. հավելվածը լրացնել հետևյալ բովանդակությամբ 2.3-րդ կետով՝

«2.3. Գրասենյակի՝ սույն պայմանագրի համաձայն ծառայություն մատուցելու իրավասություն ունեցող աշխատակիցները և նրանց նստավայրերը.

2.3.1. _____ (նույնականացման քարտի համարը՝ _____),
նստավայրը՝ _____),

2.3.2. _____ (նույնականացման քարտի համարը՝ _____),
նստավայրը՝ _____):»,

դ. 4.1-ին կետը «կնքելուց» բառից հետո լրացնել «կամ սույն պայմանագրի 2.3-րդ կետում փոփոխություն (լրացում) կատարելուց» բառերով,

ե. 4.1-ին կետում «աշխատակազմը» բառը փոխարինել «գործակալությունը» բառով,

զ. 4.2-րդ կետում «տիրույթ» բառը փոխարինել «տիրույթ(ներ)» բառով, իսկ «սարքեր» բառը՝ «սարք(եր)» բառով,

է. 5.1-ին կետում «2011 թվականի հունիսի 2-ի «Իրավաբանական անձանց պետական գրանցման, անհատ ձեռնարկատերերի պետական հաշվառման,

քաղաքացիական կացության ակտերի գրանցման և ապոստիլ դնելու վճարովի ծառայությունների ցանկը և վճարների չափերը հաստատելու, Հայաստանի Հանրապետության արդարադատության նախարարությանն արտաբյուջետային հաշիվ բացելու թույլտվություն տալու մասին» N 860-Ն» բառերը փոխարինել «2021 թվականի հոկտեմբերի 21-ի «Իրավաբանական անձանց պետական գրանցման հետ կապված լրացուցիչ վճարովի ծառայությունների ամբողջական ցանկը, այդ ծառայությունների իրականացման կարգը և վճարների չափերը հաստատելու և Հայաստանի Հանրապետության կառավարության 2011 թվականի հունիսի 2-ի N 860-Ն որոշման մեջ փոփոխություններ կատարելու մասին» N 1746-Ն» բառերով:

ը. 5.2-րդ կետում «2011 թվականի հունիսի 2-ի N 860-Ն» բառերը փոխարինել «2021 թվականի հոկտեմբերի 21-ի N 1746-Ն» բառերով,

թ. 5.3-րդ կետում «` Հայաստանի Հանրապետության ֆինանսների նախարարության գանձապետական բաժանմունքի` Հայաստանի Հանրապետության արդարադատության նախարարության համար բացված արտաբյուջետային հաշվին գումարը փոխանցելու միջոցով» բառերը փոխարինել «համապատասխան գանձապետական հաշվեհամարին գումարը փոխանցելու միջոցով» բառերով,

ժ. 5.4-րդ կետում «` Հայաստանի Հանրապետության արդարադատության նախարարության համար բացված արտաբյուջետային» բառերը փոխարինել «համապատասխան» բառով,

ժա. 9.3-րդ կետում «2011 թվականի հունիսի 2-ի «Իրավաբանական անձանց պետական գրանցման, անհատ ձեռնարկատերերի պետական հաշվառման, քաղաքացիական կացության ակտերի գրանցման և ապոստիլ դնելու վճարովի ծառայությունների ցանկը և վճարների չափերը հաստատելու, Հայաստանի Հանրապետության արդարադատության նախարարությանն արտաբյուջետային հաշիվ բացելու թույլտվություն տալուն մասին» N 860-Ն» բառերը փոխարինել «2021 թվականի հոկտեմբերի 21-ի N 1746-Ն» բառերով:

2. «Հայաստանի Հանրապետության արդարադատության նախարարության իրավաբանական անձանց պետական ռեգիստրի գործակալության տեղեկատվական համակարգին միանալու մասին» պայմանագիր կնքած գրասենյակները

սույն որոշումն ուժի մեջ մտնելուց հետո մեկամսյա ժամկետում պարտավոր են N 1 հավելվածի 4-րդ կետով սահմանված կարգով ներկայացնել N 2 հավելվածով նախատեսված պայմանագրի լրացված և հաստատված օրինակը: Սույն կետով սահմանված պարտավորությունը նշված ժամկետում չկատարելը հիմք է գործող պայմանագիրը լուծելու համար:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Երևան

Ն. ՓԱՇԻՆՅԱՆ